



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Acta Ecclesiae Mechliniensis, Anni M. DCC. XVIII. Circa  
Bullam Unigenitus**


**Archidiocèse <Malines>**

**Bruxellis, [1719]**

Exemplar Epistolæ Amplissimi Domini Abbatis Grimbergensis Ordinis  
præmonstratensis.

**urn:nbn:de:hbz:466:1-40699**

dum obtentum, id est, tranquillitatem in Populo, & pacem, puram, & avitam fidem, denique cum in omnibus, tum in Ecclesiasticis, ac Superioribus subalternis erga Supremum Ecclesiæ Caput sine obstinatione, aut tergiversatione reverentiam plenam, & obedientiam verè Filialem. Sic ego, sic Religiosi mei, ac Domestici vovent sine exceptione omnes, rogamusque Clementissimum Dominum, ut & Excellentiam Vestram, & Sanctissimum Patrem Nostrum Clementem (cujus Bullam *Unigenitus* veneramur ad apicem) Ecclesiæ suæ bono quàm diutissimè fervet incolumes. In hoc voto sisto, & fideliter signo, quòd sim Sanctissimi Patris Nostris præfati observantissimus Filius, & Excellentissime ac Reverendissime Domine, Excellentia Suæ, Humillimus, ac Obsequentissimus Servus. *Erat signatum.* L. DE REYNGODT Abbas Eenamensis. Eenamii 23. Novembris 1718.



## EXEMPLAR EPISTOLÆ

*Amplissimi Domini Abbatis Grimbergensis Ordinis Præmonstratensis.*

*Excellentissime, ac Reverendissime Domine*

Cum inviolabilis Sanctæ Sedis Apostolicæ Auctoritas, ac Summi Pontificis in materia Fidei, & morum definitis Infallibilitas jugiter à Schola Nostra Theologica agnita fuerit, & propugnata, felices Nos censemus, plurimumque honoratos, dum laudatissimo Excellentia Vestrae zelo in causa tam justa utcumque cooperamur. Eapropter promptissimâ voluntate signavimus declarationem, quam D. Prior Noster Excellentia Vestrae con-

consignabit. Spero non displicituram, Deumque rogans, ut Excellentiae Vestrae zelum supernis benedictionibus cumulet, Sacras ejusdem manus reverenter exosculatus, demissè subscribor. Grimbergi 18. Novembris 1718. Excellentissime, ac Reverendissime Domine, Excellentiae Vestrae, Humillimus, & Observantissimus Famulus. *Erat signatum.* F. AUGUSTINUS Abbas Grimbergensis.

**N**Os infra scripti Abbas, & Canonici Præmonstratenses Ecclesiae Grimbergensis submissam Nobis Excellentissimi, ac Reverendissimi Domini Archiepiscopi Mechliniensis Epistolam Pastoralem, datam 17. Octobris 1718., reverenter suscepimus, in qua dignissimi Antistitis Nostri zelum pro supremâ Sanctae Sedis Apostolicae auctoritate uti luculenter expressum invenimus, & impensè laudavimus, ita eidem Excellentissimo Domino, cæterisque Orbis Catholici Antistitibus universis, pauculis dumtaxat exceptis, Nos jungentes, Sacrosanctae Sedi Apostolicae, ac Sanctissimo Domino Nostro Clementi XI, tamquam immobili Fidei Fundamento (ut Sanctus P. Augustinus loquitur) Petrae, quam non vincunt superbae inferorum portae, ac Catholicae Unitatis Centro firmissimè adhæremus, ut genuinos SS. PP. Augustini, & Norberti Filios decet, quorum ille per Romana rescripta causam *finitam* esse reclamantibus Pelagianis respondebat; Hic verò extinctioni Schismatis Petri Leonis zelosissimè cooperatus, restituto Innocentio II. legitimo Pontifice, Româ Magdeburgum redux, paulòque post gravi ægitudine per menses quatuor correptus, obsequio S. Sedis quodammodo immortuus fuit. Horum vestigia feliciter prefferunt Beati Confratres Nostri Adrianus, & Jacobus Martyres Gorcomienses; quibus & Nos pro debito insistentes, &

nuperi Nostri Capituli Provincialis legitime appro-  
 bati mandato obtemperantes, quo præcipitur, ut  
 Decreta Sedis Apostolicæ in materia Fidei, & mo-  
 rum reverenter suscipiantur, & religiosè obser-  
 ventur, Constitutionem Sanctissimi Domini No-  
 stri Clementis XI, quæ incipit: *Unigenitus* &c.  
 datam Romæ 8. Septembris 1713. omni cum sub-  
 missione & reverentiâ purè, simpliciter, & absolute  
 acceptamus tanquam Fidei Regulam irreformabi-  
 lem, & à qua non liceat appellare: Ab eo scilicet  
 præscriptam, ad quem pertinet, ut loquitur An-  
 gelicus Doctor, *finaliter* determinare ea, quæ sunt  
 Fidei, ut ab omnibus *inconcussa* fide teneantur.  
 Hanc omnimodam, debitamque Apostolicis De-  
 cretis in materia Fidei, & morum obedientiam,  
 dum à Nobis semper præstitam fuisse, modò præ-  
 stari, & per Dei gratiam semper præstandam esse  
 publicè declaramus, ac, ut ab omnibus præstetur,  
 ardentè optamus, Sanctissimo Domino Nostro  
 Clementi XI, quâ possumus demissione, & reve-  
 rentiâ dicimus, quod olim ejus Prædecessori San-  
 ctus Hieronymus. Nos nullum primum nisi Chri-  
 stum sequentes, Beatitudini Tuæ, id est, Cathedræ  
 Petri communionè consociamur; super illam Pe-  
 tram ædificatam Ecclesiam scimus. Quicumque  
 extra hanc Domum Agnum comederit, profanus  
 est. In quorum fidem has capitulariter congregati  
 signavimus, hâc 17. Novembris 1718.

*F. Augustinus Abbas Grimbergensis.*

*F. Franciscus Casens Prior.*

*F. Bernardus Van Linthout Supprior.*

*F. I. Paon Pastor Grimbergensis.*

*F. Marinus Vanden Bemden Expastor in Ruys-  
 broock.*

*F. Philippus de Casmeyer Provisor.*

*F. Ser-*

- F. Servatius Vander Heyden Magister Novitiorum.*  
*F. Georgius Vander Veken S. T. Lector.*  
*F. Rumoldus Bianco Vice-Pastor Grimbergensis.*  
*F. Ludovicus Maluin Circator.*  
*F. Paulus Leypiers Provisor.*  
*F. Josephus Van Nethen.*  
*F. Norbertus de Broë.*  
*F. Carolus Narez Cellarius.*  
*F. Joannes Chrysostomus Grondoni.*  
*F. Balthazar Vanden Elsken.*  
*F. Vitalis Moreau.*  
*F. Augustinus de Munck.*  
*F. Melchior Penninck.*  
*F. Martinus Van Gallebaert.*  
*F. Joannes Baptista Sophie.*  
*F. Alexander Colins.*  
*F. Judocus Van Neghen.*  
*F. Franciscus Marsille.*  
*F. Thomas de Vel.*  
*F. Petrus Vander Elst.*  
Locus ✕ Sigilli.



EXEMPLAR EPISTOLÆ

*Amplissimi Domini Abbatis Parthenensis  
Ordinis Præmonstratensis.*

*Excellentissime, ac Reverendissime Domine*

CUM debitâ veneratione recepi illam, quam  
Excellentia Vestra Nobis mittere dignata est,  
& indolui maximè, audiens Gallorum contumaciam,  
Sanctissimo Domino se opponentium, ex qua non  
sine fundamento schisma in Ecclesia oriturum, ti-  
mendum, quod Deus Optimus Maximus solitâ suâ